

請考生於右方空格填寫
准考證號碼最後四位數

--	--	--	--

教育部

閩南語語言能力認證 B 卷

口語測驗

<作答說明>

1. 測驗時間：以音檔播放時間為準，30 分鐘以內。
2. 題型配分：第一部分「情境對話」1 題，10 分；第二部分「看圖講話」1 題，20 分；第三部分「文章朗讀」1 題，20 分；第四部分「口語表達」共 2 題，每題 20 分。總計 90 分。
3. 作答方式：題目以音檔播放，各題準備和回答的時間不同，請依照音檔播放的指示作答。

<注意事項>

1. 考試開始前請勿翻閱本試卷，違者其作答不予計分。
2. 應考人除准考證、身分證件外，非考試必需用品，須放置於試場前後方或指定位置，不得攜帶入座。
3. 作答前，應依監試人員之指示，檢查試題卷是否齊全、所印准考證號碼是否正確、完整，上述資料如有錯誤、污損、漏印或缺頁，應立即舉手請監試人員處理，以免影響作答權益。

※播放說明語時請勿翻頁，等候指示再翻頁作答※

第一部份 情境對話

※準備俗回答的時間攞總 30 秒，問題問了，聽著「請回答」，就會使開始講，
閣賸 10 秒的時會「tng」1 聲提醒。

問題：你去予人請，已經感覺食飽矣，毋過人閣一直挾菜予你。你實在食袂落
去，閣無想欲得罪人，你會按怎共拒絕？請用幾句仔話來表現你的意思。

參考答案：

恁的菜實在足好食，我食甲飽甲，遮爾好食的菜，食無了真
拍損，毋好閣挾菜予我矣，真感謝。

第二部份 看圖講話

※準備的時間 30 秒，講的時間 1 分鐘，閣賸 10 秒的時會「tng」1 聲提醒。

問題：請共下面這四格的圖，照順序組成完整的描述。（會當盡量發揮，毋過四
格攞愛講著）



參考答案：

昨暗阮規家伙仔同齊看電視，拄好是氣象報導，講有風颶已經形成，這馬已經咧欲倚咱臺灣矣。逐改風颶若來，菜擺會起價，所以阮就緊去大賣場買寡青菜轉來囤。到大賣場一下看，是人映人，逐家擺佻阮想的仝款，看著青菜就下性命搶。第二工，風颶真正來矣，外口烏天暗地，風足透，共樹仔吹甲強欲倒去，根本就無法度出門。風颶走甲真緊，閣隔轉工就好天矣，阿爸、阿母佻我就出來摒後尾，共斷去的樹極祛祛咧，樹葉仔掃掃咧，共糞埽清清咧提去擲。

第三部份 文章朗讀

※準備的時間 30 秒，朗讀的時間 1 分 30 秒，閣賸 20 秒的時會「tng」2 聲提醒。

澳洲樹林是按怎會火燒山？著火上捷的起因，是天頂霆雷公敲佇焦燥的土地，閣來，是人為的因素，比如講有人擲薰樞仔，抑是放火，最後造成火勢無法度控制。澳洲火燒山的危險期按 10 月一直到隔冬 3 月，對春尾、規个熱天到早秋，也就是氣溫上懸、濕度上 kē 的時陣。科學家指出，對自然條件來講，澳洲是全世界上厚火燒山的所在，而且，氣候的變遷，若像予澳洲的野火閣較猛。「野火協同研究中心」指出，氣候變遷、洶旱會改變野火的特性、強度佻火燒的時間。澳洲因為燒熱、焦燥，佻本底就勢著火的柴草，像講厚油質的尤加利等等，所以曠野著火就變成無可避免的自然現象。

參考答案：

第四部份 口語表達

※每一條準備的時間 1 分鐘，講的時間 2 分鐘，閣賸 20 秒的時會「tng」2 聲提醒。

【第 1 條】一般人認為運動對健康真有幫助，請你用一項恰意的運動來說明你的看法。

參考答案：

我的年歲較大，體力恰氣力擺無往過遐好，所以我擺是利用暗時無日的時陣去學校運動埤行行咧，予家己流寡汗，予身體維持正常的運作，嘛會予家己感覺較健康，所以我是真贊成運動對健康有幫助的講法。親像我逐工散步，跤手有咧振動，做代誌就感覺較輕可。散步的時因為有人通開講，嘛較袂想一寡有的無的，逐工嘛起毛場。有運動暗時仔嘛較好落眠，上重要的是會使增強抵抗力，真罕得有啥物毛病。所以講，咱嘛是愛有運動的習慣，看是欲去拍球、跔山、跳舞，抑是像我四界行行楚楚咧擺好。適當的運動對咱身體定著是有好無穰。有時間就加減去運動，毋通規工佇厝裡坐咧。

【第 2 條】臺灣的風景非常美麗，真適合發展觀光事業，請問你認為應該愛用啥物方法來發展？

參考答案：

臺灣是一個地形恰生態擺真多元的所在，一粒仔囡爾爾就有真濟真罕得看著的風景。我有三個方法會使發展觀光，第一是展現在地文化，在地文化是咱天然的資產，嘛是別位看袂著的，若好好矣運用，恰特有的環境連結，予人知影蹓佇這個所在的人是按怎生活，有啥物恰個無仝款的食食、工作恰風俗。第二是各縣市的合作，規畫東、西、南、北四個觀光區，安排無仝的迺迺路線，予想欲來耍的人做見本。第三國際宣傳，愛拍一寡宣傳影片，佇網路放送，予全世界擺會使看著咱臺灣特別的人文恰風景，吸引個來臺灣迺迺。這三個方法毋管是對國內抑是國外的人擺真合用，嘛會予閣較濟人看著臺灣的嬌。

※試題結束※

